

漢書疏證

漢書疏證卷十四

吳 沈欽韓撰

禮樂志

按班氏此志有樂而無禮宋書志序曰班固志禮樂疏簡所漏者多典章事數百不記一蕭子顯南齊志云叔孫通制漢禮而班固之志不載攷此志又云叔孫通所撰禮儀與律令同錄藏於理官法家又復弗傳後書曹褒傳章和元年召褒詣嘉德門令小黄門持班固所上叔孫通漢儀十二篇計固於章帝末年得之作漢書時未嘗見也衛宏撰舊儀亦在班氏之前蓋並未得見乃

至疏簡耳

跪拜

儀禮之坐皆跪也

叔孫通制禮儀以正君臣之位

衛宏舊儀曰黃帝起居儀宮司馬內百官案籍出入營衛周廬晝夜誰何殿外門署屬衛尉殿內郎署屬光祿

勳黃門鉤盾署屬少府輦動則傳蹕止人清道

宮正職凡邦之

事蹕注云若今衛士填街蹕也按開元禮太極殿受羣臣朝賀其日依時刻將士填街建五旗丞

相九卿執兵奉引

按此即大駕鹵簿詳見晉志

得古磬十六枚

小胥職注鍾磬者編懸之二八十六枚而在一虞謂之堵魏書樂志普泰中長孫稚祖瑩表云昭二十年傳晏子云六律七音服子慎注云黃鍾之均黃鍾爲宮太簇爲商姑洗爲角林鐘爲徵南呂爲羽應鐘爲變宮蕤賓爲變徵一懸十九鐘十二懸二百二十八鐘八十四律

按此但言鍾鐘之數云十九未詳賈公彥疏云此一歲之閏數服以音定云以一懸十九鐘十二鐘當一月十一月十二辰辰加七律之鐘則十九鐘一月有七律當一月之小餘十二月八十四小餘故云一歲之閏數按大射笙磬西面頌磬東面皆云其南鐘其南鑄北方避射位無鐘磬則三面鐘磬鑄于宮懸四面鐘磬鑄而已不見有十二懸服卽如此義乃可尋究周禮小胥注云十二懸非鄭義也

二八十六枚成帝時犍爲郡於水濱得古磬十六枚

明統

志漢水在嘉定州犍爲縣東北一百八十里以成帝得古磬故亦名寶磬川嘉定州志得磬處卽犍爲壩距州

里復依禮圖編懸十六云正始中徐州薛成送玉磬十

六枚亦是一懸之器檢大樂所用鍾磬各一懸十四不

知何據按此蓋但依七音正半按此則十六之數尙矣隋書樂志

牛弘引樂緯宮爲君商爲臣君臣皆尊各置一副故加

十四而懸十六枚通考一百二十四仁宗明道初改制大樂

命集賢校理李照等預議舊太常鐘磬十六枚爲一虞

而四清聲相承不擊照言十二律聲已備餘四清聲乃

鄭衛之樂可去翰林學士馮元等駁之云聖人旣以十二律各配一鐘

又設黃鍾至夾鍾四清聲以附正聲之次蓋加夷則至應鍾四宮而設也列聲之尊卑者事與物不與焉何則

事爲君治物爲君用不能尊於君故也惟君臣民三者有上下之分不得相越故四清聲之設正謂臣民相避以爲尊卑也今若止用十二鐘至夷則以下四管爲宮之時臣民相越上下交戾則凌犯之音作此甚不可者也其鐘磬十六皆本周漢諸儒之說欲損爲十二惟照獨見

至范鎮又主去四清聲

之論楊傑著元祐樂議破鎮說

又云十二者律之本聲而四者應聲也本聲重

大爲君父應聲輕清爲臣子故其四聲曰清聲或曰子聲李照議樂始不用四清聲是有本而無應也八音何從而宋史樂志翰林學士承旨王堯臣等言奉詔與參

議阮逸所上編鍾四清聲譜法竊以律呂旋宮之法既定以管又制十二鐘準爲十二正聲以律計自倍半說者云半者準正聲之半以爲十二子聲之鐘故有正聲子聲各十二子聲卽清聲也其正管長者爲均自用正

聲正管短者爲均則通用子聲而成五音然求聲之法本之於鍾故國語所謂度律均鍾者也其編金石之法則歷代不同或以十九爲一虞者蓋取十二鍾當一月之辰又加七律焉或以二十一爲一虞者以一均聲更加濁倍或以十六爲一虞者以均清正爲十四宮商各置一是謂懸八用七也或以二十四爲一虞則清正之聲倍故唐制以十六數爲小架二十四爲大架今太常鍾懸十六舊傳正聲之外有黃鍾至夾鍾四清聲雖未明所出攷之實有義趣蓋自夷則至應鍾四律爲均之時若盡用正聲則宮弱商強故須用子聲乃得長短相

敘自角而下亦循茲法故夷則爲宮則黃鍾爲角南呂爲宮則大呂爲角無射爲宮則黃鍾爲商太簇爲角應鍾爲宮則大呂爲商夾鍾爲角蓋黃鍾大呂太簇夾鍾正律俱長並當用清聲如此則音律相諧而無所抗此四清鍾可用之驗也至他律爲宮其長短尊卑自序者不當更以清聲求之又據大樂諸工所陳自磬簫琴和巢笙五器本有清聲塤箎竿筑瑟五器本無清聲自今大樂奏夷則以下四均正律爲宮之時商角依次並用清聲自餘八均盡如常法絲竹之器本無清聲者未可切意求法且當如舊按堯臣所論最爲平允故具其大



凡焉陳陽樂書竊李照之言瑣屑論四清二變之非是  
云典同凡爲樂器以十有二律爲之數度以十有二聲  
爲之齊量則編鍾編磬不過十二以此石磬十六枚爲  
成帝前工師附益四清而爲之非古制云云不知典同  
之十二聲乃上文高聲正聲之等而可據爲十二之數  
乎旣不能讀經又以漢書爲不足信通觀其書則剽竊  
割裂每引一事輒文句不通且段段有呼嗟歎息加以  
謬斷與其兄禮書迭相唱和此無忌憚寡廉恥之徒也  
筆則筆削則削

孔子世家文

養三老五更於辟雍

魏志高貴鄉公行養老之禮於太學

宋志齊王正始中每講經使太常釋

奠於先聖先師於辟雍講經竟並親釋奠於太學中

通典後魏孝文帝太和十六

年行養老禮於明堂

尉元爲三老游明根爲五更

北齊亦於辟雍後

周於太學唐制仲秋吉辰養三老五更於太學按御覽

五百三十五

晉尙書大事曰

天中記作尙書符太常曰

按洛陽圖宮中自

有太學國子辟雍不相預也捨辟雍以太學辟雍便爲

無事虛誕

御覽脫落據天中記補

漢魏舊事皆言釋奠祠先聖於

辟雍未有言太學者又咸和中成皇帝釋奠於中堂之

前臺中故事亦曰辟雍

按此乃權時假名曰辟雍耳宋志穆帝升平元年釋奠亦於中

堂權立行太學是爲漢魏之事初自兩立至釋奠便在

可便謂太學乎

辟雍猶存今廢辟雍而立二學中興以來相違太常王

彪之答魏帝齊王使有司釋奠於辟雍此是魏之大事

非晉書

書字訛衍  
天中記同

舊典太始元康釋奠太學不在辟雍

太始五年元康五年二行饗禮皆於辟雍不在太學是

則釋奠於太學行饗於辟雍有晉已行之也中朝有辟

雍猶在太學況無辟雍有太學更當不在太學乎宰相

從太常按靈臺詩序正義鄭駁異義以爲辟雍卽天子

太學設於郊差近之此亦鄭君未定之說也攷王制太

學在郊天子曰辟雍注云殷制正義云周則太學在國

小學在西郊王制又云周人養國老於東膠養庶老於虞庠虞庠在國之西郊是則三老五更非庶老其養在國中虞庠之在西郊者卽是辟雍乃小學非太學也故孔氏亦云周制太學雖在國而辟雍仍在郊何則圓沼魚鳥所萃終不可在國中也周以虞庠爲辟雍矣據王制文王世子養國老釋奠並當在太學惟大射饗耆老於辟雍耳漢以下行養老禮於辟雍則非也

至五百餘篇

藝文志河間獻王所輯合樂禮共二百三十餘篇耳五百誤也

昔黃帝作咸池

通典

一百四十一卷

伏羲樂名扶來亦曰立本神農樂名扶持

亦曰下謀御覽

五百六十六卷

樂書曰

按經籍志有信都芳撰又開皇初盧賁蕭吉並

撰著樂書唐德宗時宋璟孫沆亦進樂書三卷御覽亦引之此不知誰人也

謹按禮記疏云

伏羲樂曰立基言伏羲之代五運成立甲歷始基畫八

卦以定

陰陽

造琴瑟以諧律呂繼德之樂故曰立基神

農樂曰下謀言神農播種百穀濟育羣生造五絃之琴

演六十四卦承基立化設降神謀故樂曰下謀以明功

也

今樂記正義引熊氏云五行鉤命訣云云而無以下語知此是唐以前未刪定之疏

又帝系謀

曰女媧命娥陵氏制都梁管以一天下之音又命聖氏

爲班管合日月星辰名曰克樂□□□□□□□□

□□□□□□□□□□□□□□□□□□□□

呂氏春秋古樂篇朱襄氏之治天下士達作爲五絃瑟

以來陰氣以定羣生昔葛天氏之樂三人操牛尾投足

以歌八闕

一日載民二曰玄鳥三曰遂草木四曰奮五穀五日敬天常六曰建帝功七日依地德八

日總禽獸之極

昔陶唐氏之始

陰康之誤

陰多滯伏而湛積水

道壅塞民氣鬱悶故作爲舞以宣導之

黃帝事詳律麻志

樂記

注咸池黃帝所作樂名堯增修而用之鄭此言當有據

顓頊作六莖

古樂篇顓頊登爲帝惟天之合正風乃行其音若熙熙

淒淒鏘鏘帝顙頊好其音乃令飛龍作效八風之音命

之曰承雲以祭上帝魏樂志顙頊有承雲之舞乃令鱣先為樂倡鱣

乃偃寢以其尾鼓其腹其音英英大司樂疏樂緯云五莖為五行立根莖

帝嚳作五英

古樂篇帝嚳命咸黑作為聲歌九招六列六英有倕作

為鼗鼓鍾磬吹苓管壎箎韜椎鍾帝嚳乃令人抃兩手相擊

日或鼓鼗擊鍾磬吹苓展管箎因令鳳鳥天翟舞之帝

嚳大喜乃以康帝德大司樂疏樂緯云六英者六合之英

堯作大章舜作招

古樂篇帝堯命質為樂瞽叟乃拌五絃之瑟作以為十

五絃之瑟命之曰大章以祭上帝舜命質修九招六列  
六英以明帝德按大司樂注黃帝曰雲門大卷大成咸  
池堯樂也樂記注大章堯樂名也周禮闕之或作大卷  
二注不同孔賈疏並云咸池是堯增修之樂大章是依  
舊不增修之樂至周爲之大卷更加以雲門之號

禹作夏湯作漢

古樂篇禹命皋陶作爲夏箛九成以昭其功湯命伊尹  
作爲大濩歌晨露修九招六列以見其善

武王作武

按周樂成於周公武王但作武舞襄二十九年傳季札



見舞象箛南籥者正義引服虔云象文王之樂舞象也  
箛舞曲名言天下樂削去無道頌序維清奏象舞也箛  
云象舞象用兵時刺伐之舞武王制焉舞是武王所作  
而頌云文王之典故箋言文王有征伐之法正義云文  
王始造伐法武王用以成功文王受命七年五伐按此  
是武王推美文王所謂繼志述事故服虔云象文王之  
樂樂記但言六成舞位明武王但制此舞故注云武謂  
周舞也文王世子下管象注云象周武王伐紂之樂也  
墨翟三辨云武王用先王之樂又自作樂名曰象此並  
是武王所作象舞而世或誤以爲大武呂氏古樂武王

命周公作爲大武與此所云並誤以象爲武也頌序又云武奏大武也箋云大武周公作樂所謂舞也武亦名象明堂位注又云象謂周頌武也荀子儒效篇武象起而韶濩廢古樂篇周公爲三象以嘉其德是此大武名象所由誤傳也

祭統武宿夜熊氏云卽大武之樂也

### 周公作勺

酌爲並同內則十有三年舞勺成童舞象正義熊氏云舞勺文舞舞象用干戈之小舞也以其年尙幼故習文武之小舞也鄭注樂師小舞亦以內則文爲證是則六代之舞爲大舞矣燕禮若舞則勺注云旣合鄉樂萬舞

而奏之是施之於燕樂爲輕也

或適諸侯或入河海

按其義記論語者是謂殷紂時者非也集解孔安國曰  
魯哀公時禮壞樂崩樂人皆去師古不知此語出孔安  
國在班揚之先而謬云馬鄭禁儒在班揚之後何其陋  
也夫子復云師摯之始豈可復以爲殷之樂官乎

魏文侯最爲好古

御覽

七百四十

桓譚新論曰余爲典樂大夫得樂家記言文

帝時得魏文侯時樂人竇公年百八十歲兩目皆盲帝

問其何服食至此對曰臣年十三失明父母教爲樂鼓  
琴不導引不知壽得何力按樂記劉向別錄云第二十  
三篇竇公卽此人也

奏嘉至

宋志魏黃初二年改嘉至樂曰迎雲樂隋志梁改爲誠

雅取尙書至誠感神也

宋史樂志姜夔大樂議云周升歌清廟徹而歌雍詩一大祀惟

兩歌詩漢初此制未改迎神曰嘉至皇帝入曰永至皆有聲無詩至晉始失古制登歌夕牲饗神迎神送神皆有詩隋唐至今詩歌愈益樂無虛作謂宜以周制

皇帝入廟門奏永至

隋志梁武初北中郎司馬何佟之上言案周禮王出入

奏王夏尸出入奏肆夏牲出入奏昭夏樂府之夏惟變  
王夏爲皇夏蓋緣秦漢以來稱皇故也而齊氏仍宋儀  
注迎神奏昭夏皇帝出入奏永至牲出入更奏引牲之  
樂其爲舛謬莫斯之甚請下禮局改正周舍議以爲禮  
王出入奏王夏大祭祀與朝會其用樂一也而漢制皇  
帝在廟奏永至樂朝會之日別有皇夏二樂有異於禮  
爲乖宜除永至還用皇夏

### 采薺肆夏

樂師注鄭司農云肆夏采薺皆樂名或曰皆逸詩謂人  
君行步以肆夏爲節趨疾於步則以采薺爲節若今時

行禮於太學中出以鼓篋爲節

按此則漢尚有篋夏

玄謂爾雅曰

堂上謂之行門外謂之趨然則王至堂而肆夏作路門

而采薺作其反入至應門路門亦如之

具見尙書大傳

南齊志

晉泰始中傳玄造迎神送神肆夏歌詩一篇則又以侑

神也魏樂志正始四年

此魏之宣武帝

公孫崇言樂府先正聲

有王夏肆夏笙歌鹿鳴之屬六十餘韻

宋史樂志和峴言開元禮郊祀

車駕還宮入嘉德門奏采芡之樂今郊祀宮縣但用隆安不用采芡其隆安樂章本是御殿之辭今太樂署丞

王光裕誦得唐日采芡曲望依月律別撰其辭每郊祀畢車駕入奏之

## 奏登歌

禮云升歌清廟周祭文王歌此詩頌序云天作祀先王

先公也執競祀武王也是皆所謂升歌矣未知漢之登歌何若也小雅譜天子饗元侯歌肆夏合文王諸侯歌文王合鹿鳴天子諸侯晏羣臣及聘問之賓皆歌鹿鳴合鄉樂鄭云享公上取上取頌也則頌本宗廟登歌所用鐘師注呂叔玉云肆夏繁遇渠皆周頌也玄謂九夏皆詩篇名頌之族類也此歌之大者載在樂章樂崩亦從而亡是漢之初皆亡晉志杜夔舊傳雅樂四曲一曰鹿鳴二曰騶虞三曰伐檀四曰文王皆古聲辭荀勗云魏氏行禮食舉再取周詩鹿鳴以爲樂章鹿鳴以晏嘉賓無取於朝享攷之舊聞未知所應然則漢廟朝升歌

並取此四章爲節耳

宋志賀循云豎歌下管各有常詠周人之舊也自漢氏以來依倣此

禮自造新詩而已

獨上歌不以絲竹亂人聲

按鄉飲酒禮設工席於堂廉東工四人二瑟工入升自西階北面坐歌鹿鳴四牡皇皇者華注云二瑟入鼓瑟則二人歌也此以瑟被歌不徒歌之一證也樂記云清廟之瑟朱絃而疏越一唱而三歎按明堂位祭統等並云升歌清廟故彼注云清廟謂作樂歌清廟也此以瑟奏歌之二證也小師職大祭祀登歌拊尙書大傳古者帝王升歌清廟之樂大琴練絃達越大瑟朱絃達越以



韋爲鼓此有琴瑟以和歌有拊以爲歌節其三證也其始卒之時亦必擊鐘磬以爲節故鐘師云以鐘鼓奏九夏虞書之夏擊鳴球搏拊琴瑟以詠其四證也據禮經堂上弦歌堂下樂未入至笙入堂下樂南陔白華華黍畢主人獻笙已乃聞歌堂上人先歌魚麗則堂下笙由庚爲一終堂上歌南有嘉魚則堂下笙崇丘爲二終堂上歌南山有臺則堂下笙由儀爲三終此堂上堂下一歌一和也旣乃合樂工歌關雎笙吹鵲巢合之工歌葛覃笙吹采芣合之工歌卷耳笙吹采蘋合之則堂上歌瑟堂下笙磬並作其次第如此而漢制獨上歌則爾雅

徒歌謂之謠非也隋志登歌法準禮郊特牲歌者在上  
匏竹在下大戴云清廟之歌縣一磬而尙搏拊又在漢  
代獨登歌近代以來有登歌五人別升於上絲竹一部  
進處階前蓋虞書之義也後周登歌備鍾磬琴瑟階上  
設笙管今遂因之合於儀禮荷瑟升歌之事登歌法十  
四人鍾東  
磬西工各一人琴瑟箏筑各一人并歌者三人執節  
一人並坐階上笙竽簫笛塤箎各一人並立階下按  
周隋以笙管之樂並和亦非也又公違禮儀惡云揆合  
耶

皇帝就酒東廂坐定奏永安之樂

漢舊儀皇帝拜謁贊享上酒至昭穆坐次上酒畢卻西

面坐

小次也

贊享奉高祖賜壽皇帝起再拜卽席以太牢

之左辨賜皇帝宋志皇帝詣配座前酌奠拜伏太祝令

各酌福酒皇帝伏飲福酒訖從東階下謁者引太常升

壇亞獻亦承漢故事也元史祭祀志英宗至治二年議

曰飲福特牲饋食禮曰尸九飯親嘏主人少牢饋食禮

尸十一飯尸嘏長也大也行禮至此神明已饗盛禮俱

成故膺受長大之福於祭之末也自漢以來人君一獻

纔畢而受嘏唐開元禮太尉未升堂而皇帝飲福

按開元禮

光祿卿未終獻太尉亦先受胙

宋元豐三年改從亞終獻旣行禮皇帝

飲福宋史禮志詳定所言飲福受胙俟終三獻從之按

楚茨第三章云獻醕交錯禮儀卒度笑語卒獲則自主人獻賓以至旅酬也四章云工祝致告徂賚孝孫既齊既稷既匡既敕此尸賜嘏之事箋云天子使宰夫受之以筐也五章則歌鍾送尸矣禮運正義引崔氏三禮義宗云薦熟時迎尸入室王以玉爵酌壺尊益齊以獻尸爲五獻后又以玉爵酌壺尊醴齊以獻尸是六獻也於是尸食十五飯訖王以玉爵因朝踐之尊泛齊以醑尸爲七獻后以瑤爵因酌饋食壺尊緹齊以醑尸爲八獻於時王可以瑤爵獻卿也諸侯爲賓者以瑤爵酌壺尊緹齊以獻尸爲九獻九獻之後謂之加爵按少牢禮尸

十一飯主人醕尸尸酢主人祝與二佐食取黍稷牢肺以嘏於主人於是主人獻祝獻佐食主婦獻尸其後賓長獻尸計天子受嘏亦當在尸十五飯醕尸之後王后醕尸之前此則與楚茨詩次第較異也祭統云尸飲五君洗玉爵獻卿禮實七獻而云尸飲五者以初時圭瓚裸尸璋瓚亞裸尸祭奠而不舉也君於其時可獻卿則尸錯君固已畢矣雖不如楚茨詩在獻酬之後要諸事神之禮已備也觀舊儀實在一獻之後此漢制之謬通考元豐三年詳定禮文所言自漢以來爲三獻后無入廟之事時享則有事於室而無事於堂禘祫則有事於堂而無事於室有饋食而無朝踐度今之宜以備古九獻之意請室中設神位於奧東西堂上設神位於戶外之

西南面皇帝立於戶內西南裸饗是爲一獻出戶立於  
展前北面行朝踐薦腥之禮是爲再獻皇帝立於戶內  
西南行饋食薦熟之禮是爲三獻六年薦太廟仍如漢唐儀也  
宋志孝建二年祠南郊  
終獻奏永安隋志皇帝飲福酒宋元徽三年儀注奏嘉  
祚至齊不改梁初改爲永祚至是改爲獻雅取尸飲五  
洗玉爵獻卿今之福酒亦古獻之義也

### 周有房中樂至秦名曰壽人

燕禮記有房中之樂王風傳云國君有房中之樂鄉飲  
酒注周南名南王后國君夫人房中之樂歌疏云房中  
之樂鄉大夫燕饗亦得用之故用鍾鼓婦人用之不用  
鍾鼓則謂之房中之樂按隋志皇后房中之樂毛萇侯

漢書疏證卷十四

圭

六十五

包孫毓故事皆有鍾聲而王肅之意乃言不可又陳統

云婦人無外事而陰教尙柔柔以靜爲體不宜用於鍾

此賈疏所本然謬論也關雎詩明云鍾鼓樂之磬師職

云教燕樂之鍾磬注云燕樂房中之樂所謂陰聲也通

典一百四十七煬帝初祕書監柳顧言增房中樂益其鍾磬

奏云旣不設鍾鼓義無四縣何以取正於婦道磬師職

云云以此而論房中之樂非獨弦歌必有鍾磬也陳陽

禮書房中之樂不用鍾磬以十二大磬代之是不知一

音不備不足以爲樂也舊唐志皇后庭但設絲管大業

尙侈始置鍾磬猶不設鍾磬以鍾宋志侍中王粲改作

鍾代武太后稱制用鐘因而莫革安世詩魏改安世曰正始之樂新書官人篇罷朝而論

議從容澤燕夕時開北房從薰服之樂舊唐志清樂存者平調清調瑟調皆周房中曲之遺聲漢世謂之三調

宋史樂志景祐中中宮之懸復用特磬代鐃鍾

孝惠二年使樂府令夏侯寬

日知錄云下云武帝立樂府此兩收而未貫通者按史記樂書亦云孝惠孝文孝景無所增更於樂府習常舊肄而已此以後制追述前事史漢每有此病

武德文始五行之舞

宋志魏黃初改武德曰武頌舞文始曰大韶舞南齊樂志周大武舞秦改爲五行魏文帝改五行還爲大武舞



諸帝廟皆常奏文始四時五行舞云

宋志孝建二年建平王宏議舜樂招漢改文始周樂大武秦革五行眷夫祖有功而宗有德故漢高祖廟樂稱武德太宗廟樂曰昭德若廟非不毀則樂無別稱猶漢高文武咸有嘉號惠景二王樂無餘名按自宏有此議唐宋諸帝廟室皆別爲樂名矣

昭容者猶古之昭夏也

宋志魏改昭容樂曰昭業樂隋志牛弘奏曰昭容主於武德猶古之韶也禮容主於文始矯秦之五行也遞相因襲並宗於韶據弘所引則漢志皆爲韶而今本作昭

夏乃牲出入所奏寧以配武德舞乎此詠招爲昭因妄加夏耳

作風起之詩

樂書高祖過沛詩三候之章令小兒歌之

索隱侯詔辭也今亦語詞

沛詩有三兮故云三候

祠太一於甘泉祭后土於汾陰

宋志魏散騎常侍王肅議漢武帝東巡封禪還祠太一於甘泉祭后土於汾陰皆盡用其樂言盡用者爲盡用宮懸之樂天地之性貴質者蓋謂其器之不文爾不謂庶物當復減之也禮天子宮懸舞八佾今祀圓丘方澤宜

以天子制設宮懸八佾魏樂志今后宮饗會及五郊之祭皆用兩懸之樂詳攬先誥大爲紕繆又云漢樂章云高張四縣神來譙饗宗廟所設宮懸明矣計五郊天神尊於人鬼六宮陰極理同至尊宜皆用宮懸隋志宋齊代祀天地宗廟准漢祠太一后土盡用宮懸又太常任昉亦據王肅議祭郊廟備六代樂武帝曰周官分樂饗祀虞書止鳴兩懸求之於古無宮懸之義何者事人禮緣事神禮簡以少爲貴大合樂者是使六律與五聲克諧八音與萬舞合節耳豈謂致鬼神祇用六代樂也其後卽言分樂序之以祭以享此乃曉然可明肅則失其

旨矣愚按六代之樂若不徧作則大濩以上周人無獨  
奏之理假如獨奏則新朝而歌前代功德此隋主所怒  
豈周公制作之義乎大司樂雲門咸池之舞皆是始降  
神祇所奏其奏黃鍾歌大呂舞雲門以下乃是四時祭  
享所分用故鄭於上文大合樂注云徧作六代之樂以  
冬夏日至作之蓋祀享惟冬夏最隆樂備也明堂位禘  
祀周公冕而舞大武皮弁素積裼而舞大夏魯禮如此  
則知圓丘方澤禘祫之禮並用六代樂矣後周立制悉  
倣周禮隋志云武帝天和初造山雲之舞又有大夏大  
濩大武正德武德之舞以備六代南北郊雩壇太廟禘

裕之禮六舞更遞作之此則周禮用六代之證既備六代自然不止兩懸梁武於經義爲疏

采詩夜誦

師古謬謂夜誦者其言辭或祕不可宣露何焯曰夜誦與祕祝不同豈爲不可宣露哉下文云昏祠至明蓋慮臨祭或以倦惰獲罪神元故先教之夜誦以肄習樂童按宋樂志永初元年十二月有司奏正旦設樂改太學諸歌舞詩黃門侍郎王韶之立三十二章合用教試日近宜送誦習輒申攝施行然此采詩夜誦蓋急欲其習熟與宋永初事正同鄭司農樂師注云敕爾瞽率爾眾

工奏爾悲誦肅肅雍雍母忘母凶此則漢法誦詩之事

以李延年爲協律都尉

御覽

五百七十二

風俗通曰張仲春武帝時人善雅歌與李

延年同時每奏新歌莫不稱善

又聲音篇云按樂記笛武帝時邱仲所作以荀

勗十二笛例之蓋

晉志橫吹有雙角卽胡樂也張博望

入西域傳其法於西京惟得摩訶兜勒李延年因胡曲

更造新聲二十八解乘輿以爲武樂後漢以給邊將

本脫

將

和帝時萬人將軍得之魏晉以來二十八解不復具

存用者有黃鵠隴頭出關入關出塞入塞折楊柳黃蘗

子赤之楊望行人十曲

作十九章之歌

樂書通一經之士不能獨知其辭皆集會五經家相與  
其講習讀之乃能通知其意多爾雅之文

按當日博士之陋如此

使童男女七十人俱歌

漢舊儀皇帝祭天居雲陽宮齋百日上甘泉通天臺高  
三十丈以候天神之下見如流火舞女童三百人皆年

八歲

疑有誤

自竹宮而望拜

劉昭注黃圖云上帝壇圓八觚徑五尺高九寸茅營去  
壇十步竹宮徑三百步土營徑五百步按竹宮者以竹

爲圍也開元禮祀前一日皇帝致齋於行宮然不言其

制通考

七十

宋南郊初不立齋宮所謂青城者蓋結青

帛爲帷幕如周禮之帷宮元豐四年禮官言漢祀甘泉則有行宮至於江左亦有瓦殿本朝沿唐舊制親祠南郊行宮獨設青城幔殿宿者有風雨之憂而又無望祭之位且青城之費歲以萬數臣等欲乞倣青城之制創立齋宮一勞而省重費其後哲宗皇帝旣建齋宮謂臣下曰三歲一郊青城之費纔帛三十餘萬工人倍之易以室屋一勞永逸按此竹宮亦如宋青城處所明矣黃圖云竹宮甘泉祠宮也蓋建武尙沿其制



高張四縣樂充宮廷

按大射儀軒懸之禮樂人宿縣於阼階東笙磬西面其南笙

鍾其南鑄注東方鐘磬謂之笙鑄如鍾而大即鑄情志即黃帝所命伶倫鑄十二鍾和五音者也陳陽云鑄本

小鍾沈約誤以為大不放經傳之過然約固有所本惟韋昭周語注以鑄為小鍾据經文笙是編則鑄是大鍾明矣非約

之誤適見陳陽之妄言耳皆南陳建鼓在阼階西應鼗在其東並南鼓謂所

也代面西階之西頌磬東面注西方鍾磬謂之頌古文頌為庸按虞書笙鏞以間本是庸字俗加

金旁耳梁武謂虞書止兩懸以書僅言東西笙庸也其南鍾其南鑄皆南陳一建鼓在

其南朔鼗在其北並東鼓一建鼓在西階之東南面簫在建鼓

之間鼗係於磬西紘按此即北方之縣以其當射故闕

鍾磬但立一鼓以表之小胥注軒懸去南面辟王疏云成二

年傳請曲縣注諸侯軒縣  
闕南方形如車輿是曲也諸侯軒縣旣然推宮縣當亦

如此陳設也周書大匡解周王宅程三年遭天之大荒

樂不牆合牆合卽宮縣也隋志晉及宋齊縣鍾磬大準

相似皆十六架黃鍾之宮北方北面編磬起西其東編

鍾其東衡

大于鑄不知何代所作

其東鑄鍾

此北

太簇之宮東方

西面起北蕤賓之宮南方北面起東姑洗之宮西方東

面起南所次皆如北面設建鼓於四隅縣內四面各有

祝敔梁武除去衡鍾設十二鑄鍾各依辰位而應其律

每一鑄鍾則設編磬各一處三十六架植建鼓於四隅

隋高祖令宮縣四面各二虞通十二鑄鍾爲二十虞虞

各一人建鼓四人祝敔各一人又後周故事懸鍾磬法七

正七倍合爲十四蓋準變宮變徵凡爲七聲有正有倍而

爲十四也長孫紹遠引國語伶州鳩武王伐殷歲在鶉火自鶉及駟七位故也既以七同其數而以律和其聲於是

有七律又引尚書大傳謂之七始宮商角徵羽爲正變宮變徵爲和加倍而有十四焉又梁武帝加以濁

倍三七二十一而合爲牛弘等以爲非據周官小胥職注

架雖取繁會聲不合古縣十六此縣八之義每處準之縣八用七按七不取近周

之法縣七也又參用儀禮及尚書大傳爲宮縣陳布之法

北方北向應鍾起西磬次之黃鍾次之林鍾次之大呂次

之皆東陳一建鼓在其東鼓東方西方太簇起北磬次之

夾鍾次之鐘次之姑洗次之皆南陳一建鼓在其南鼓東南

方北向中呂起東鍾次之蕤賓次之磬次之林鍾次之皆

西陳一建鼓在其西

西鼓

西方東向夾鍾起南鍾次之南

呂次之磬次之無射次之

按自應鍾至無射爲十二鍾也其鍾磬編鐘編磬皆

北陳一建鼓在其北

西鼓

大射則徹北面而加鉦鼓祭天

用雷鼓雷鼗祭地用靈鼓靈鼗宗廟用路鼓路鼗各兩

設在縣內每鋪建鼓各一人每鍾磬笛各一人歌二

人執節一人琴瑟箏筑各一人每鍾虞笙簫笛塤篪

各一人縣內祝敔各一人祝在東敔在西

鋪鍾十二虞各依辰位又

甲丙庚壬位各設鍾一虞乙丁辛癸位各陳磬一虞共爲二十虞四隅同作

唐志貞觀初增

三十六架加鼓吹熊罴案十二於四隅周建德中復梁

三十架隋文省煬帝又復之

隋志煬帝又設十二鋪鍾別鍾磬二架通建鼓四架

爲三十六架大業中煬帝制宴饗設鼓吹依梁爲十二架案下皆熊羆貔豹騰倚承之以象百獸之舞據此則唐初舊省同隋文制也

宋史樂志舊樂建鼓四并鞀應共十二面

備而不擊李照以四隅建鼓與鋪鍾相應擊之

元史禮樂志擊

鐘者以茱萸木爲之合竹爲柄拊磬者以牛角爲之范鎮樂論云國朝郊祀朝會宮架內止設鋪鍾惟后廟乃用特磬非也架內於鋪鍾後各加特磬貴乎金石之聲大小相應按此論甚是歷代皆未之思也

金支秀華庶旄翠旌

並筍虞之飾毛傳樹羽置羽也正義漢禮器制度云爲龍頭及頷口銜璧璧下有旄牛尾明堂位注云周人畫繪爲嬰載以璧垂五采羽其下樹嬰於筍之角上飾彌多也

彼疏云按漢禮器制度而知也

唐志上列樹羽傍垂流蘇周制也

飾以博山後世所加也官縣每架金博山五軒縣三鼓承以花肤覆以華蓋上集翔鸞

神來宴娛庶幾是聽

魏志祖瑩議引作神來宴饗

舊唐志同

招魂娛光眇視王逸

曰娛戲也按娛與喜同

集韻娛婦人賸稱又未喜之喜通作喜又嬉通作娛

四極爰轡

以上第三章

簫勺羣慝

李文貞云簫勺卽銷鑠注謬按簫當爲箛削平也勺酌取也

蓋定燕國

按燕國謂臧荼也五年臧荼反又利幾反於潁川六年人告楚王信謀反又韓王信降匈奴此所謂紛亂東北師古但指匈奴北則然矣何有於東又不曉燕國爲臧荼如彼訓詁乃徒費筆墨也以上第五章

貴有德

以上第六章據劉氏刊誤知以前本並作大海蕩蕩高賢

愉刊誤依注蕩蕩愉愉故定作大海蕩蕩章章六句

仁吳

傑曰大海蕩蕩與太山崔相涉成文又安其所章亦云高賢愉樂民人注有愉愉之德然則解蕩爲蕩蕩解愉爲愉愉自是文勢如此恐只當用三字句讀之今改定作八句按通考亦作八句

澤弘大

李文貞云大恐久之訛德施大者弘也世曼壽者久也  
蓋久字則與保壽叶

克綽永福

博古圖晉姜鼎銘用蘄綽綰眉壽則綽是祝延之辭此  
章上有桂華下有美芳四字劉奉世曰桂華美芳皆二  
詩章名本側注在前章之末傳寫之誤遂以冠後後辭  
無美芳亦當爲美若矣

按通考尙承此  
誤詩紀側注

浚則師德

刊誤通考並欲合十七章之數故以此四句別爲一章



然辭均相連不可斷也當以末章承容之常四句別爲章耳詩紀從樂府合上爲一章

郊祀歌  
炳燿蕭

按此猶是古制隋志梁天監四年何佟之曰南郊明堂用沈香北郊用上和香則用香始見也當是釋氏教入中國後用之

尊桂酒

王逸九歌注與此應劭注同蓋鬱鬯之齊漢已不用矣  
兆逐靡

兆謂候神之巫也道家上表章皆自稱爲兆

俠嘉夜

俠並也

類篇一曰旁也

冠禮註婦人俠拜公羊

哀十三年傳注滕薛

俠穀言靈巫並侍神於良夜也自眾婢並以下皆言巫之容飾注並謬

后土富媪

新書

六

天清澈地富媪說文媪鬱煙也易繫辭作緼廬

紹弓云媪疑卽媪形近而誤按新書道術篇又云欣爚可安謂之媪反媪爲驚則媪乃坤厚載物之義解爲媪母其俗同於小說之后土夫人也

青陽三

宋樂志光武平隴蜀增廣郊祀高皇帝配食樂奏青陽  
朱明西皓立冥雲翹育命之舞自青陽以下稱鄒子樂  
者今鄒子陰陽家殆無一字傳其書當言五郊之樂

桐生茂豫

桐與侗通用法言

學行篇

師哉師哉桐子之命也注桐侗

也侗然未有所知孔安國曰侗未成器之人皇侃謂籠

侗

亦與籠東通

與此義同

惟奉元尊媼神蕃釐

此當祀中央黃帝后土故曰泰元又曰媼神漢尙土德  
故云繼統其勤順皇之德媼亦當爲媼通考元豐六年

判太常寺陳薦言議者以天地合祭始於王莽故欲罷之臣按周頌昊天有成命郊祀天地也漢郊祀歌曰惟泰元尊媪神蕃釐泰元天也媪神地也此謬舉經史以曲附時事不知甘泉祀天汾陰祠后土王莽之前未嘗素也成帝世爲南北郊然李奇師古之注已謬列天地故妄庸人注述大典適足貽毒於後世

丞相匡衡奏罷鸞路龍鱗

錢氏

大昕

曰奏罷者謂去鸞路句改爲涓選休成也下章

云奏罷黼黻周張更定詩曰肅若舊典亦謂去黼黻句改爲肅若舊典也郊祀志成帝初卽位丞相衡等言甘

泉泰時紫壇有文章采鑲黼黻之飾石壇仙人祠瘞鸞

路駢駒寓龍馬不能得其象於古技豕人職言鸞車象人注鸞車遣車也象

人以芻爲人古固有之以送葬矣宜皆勿修故更去鸞路龍鱗黼黹周

張二語其餘仍用舊文也按上章惟泰元仍云鸞路龍

鱗此章仍有黼黹周張不知其所更定何事也

### 涓選休成

涓與蠲同詩傳蠲絜也注云除惡選美者謬詩之吉蠲

亦可謂除吉乎此四字當在前行更定詩曰之下與肅

若舊典同志於標右但曰天地八日出入九知不以爲

歌辭矣詩紀並去之是也

黼黻周張承神至尊

漢舊儀祭天用六綵綺席六重上一丈中一幅四周緣之玉几玉飾器

千童羅舞成八溢

大胥職掌學士之版以待致諸子鄭司農云謂卿大夫諸子學舞者漢大樂律曰卑者之子不得舞宗廟之酌

除吏

詔書所除吏

二千石到六百石及關內侯到五大夫子

先取適子高七尺已上年十二到年三十顏色和順身

體修治者以爲舞人與古用卿大夫子同義

疏云旣云取七尺以

上而云十二到年三十則十二者誤當云二十至三十卿大夫職七尺爲二十惠棟云劉昭注續志引盧植周

禮注所載大樂律七尺五尺鄭注論語六尺謂年十五以上則五尺爲十二審矣疏說失之按注中三十當作二十舞者取童少不得三十之年尙列其間也按此云千童羅舞雖不能貴遊

子弟要亦選良家子充之通典樂開元八年參軍趙慎

言論郊廟用樂周禮以樂舞教國子是知古之舞者卽

諸侯子孫容服鮮麗故得神祇降福靈光燭壇今之舞

人並容貌蕞陋屠沽之流用以接神欲求降福固亦難

矣有隋之際猶以品子爲之號爲二舞郎文舞武逮乎

聖朝遂變斯制誠願革茲近誤考復古道其二舞人望

取品子年二十以下冬正者令太常博士主準國

子學給科號曰雲門生

宋史樂志四大觀四年詔曰詔近選國子生教習二舞以備祠

祀先聖本周官教國子之制然士子肄業上庠頗聞耻於樂舞與樂工爲伍坐作進退蓋今古異時施於今未適其宜其罷習二舞願習雅樂者聽然徽宗雖欲復之亦卒莫能行也

## 太一況

樂書復次以爲太一之歌歌曲曰太一貢兮天馬下露赤汗兮沫流赭騁容與兮蹕萬里今安匹兮龍與友彼歌辭略舉之非全篇也

## 天馬徠

樂書後伐大宛得千里馬馬名蒲梢次作以爲歌曰天馬來兮從西極經萬里兮歸有德承靈威兮降外國涉流沙兮四夷服中尉汲黯進曰凡王者作樂上以承祖



宗下以化兆民今陛下得馬詩以爲歌協於宗廟先帝  
百姓豈能知其音邪上默然不悅丞相公孫弘曰黯誹  
謗聖制當族按歌詞與此異固不必言然公孫弘以元  
狩二年三月薨志云元狩三年馬生渥洼水帝紀馬生  
余吾水元狩二年夏也弘皆不及見史記公孫弘傳亦  
云元狩二年病竟以丞相終則書之謬妄非司馬氏手  
筆也若宛馬詩相去懸絕不待辨也帝紀元鼎四年馬  
生渥洼水中作寶鼎天馬之歌與此志又乖異

虎脊兩

范成大桂海虞衡志吳下馬土產小駟也駿者有兩脊

故又號雙脊馬健而喜行齊民要術相馬經曰脊爲將軍欲得強

厯無草

無草疑是地名水經注廣武城之西南二十許里水西有馬蹏谷漢武帝得大宛天馬有角爲奇故歌曰天馬來兮厯無草逕千里兮循東道胡馬感北風之思遂頓羈絕絆驤首而馳晨發京城夕至敦煌北塞外長鳴而去因名其處曰候馬亭

珠煩黃

與芸其黃之芸同毛傳芸黃盛也正義曰芸是黃盛之

狀

貳雙飛常羊

舞者二人爲列故云雙飛孔叢答問篇梁人陽由伎巧過人骨騰肉飛文穎注同之

河龍供鯉

謂河龍出鯉以供祀古艷歌云天公出美酒河伯出鯉魚注以爲夏所賜之龍謬

百末旨酒

繁露執贄篇天子用暢

與鬱同

積美陽芬香以通之天暢

亦取百香之心獨末之合之爲一而達其臭氣

師古所云見春

秋繁露唐六典光祿署良醢令供春暴秋清醑醢桑落

者如此

說文鬱鬱百草之華遠方鬱人所貢芳草合釀之以降神與此合

金石萃編唐天

寶七載恆嶽碑陰題名有前供奉台鍊百花漿道士劉處一百花漿疑亦百末酒之類

泰尊柘漿

司尊彝注太尊太古之瓦尊也燕禮公尊瓦大兩楚詞  
觚鼈胞羔有柘漿

馮蠡

卽馮夷耳旣解馮爲馮夷何可解蠡爲鼈十九章中可  
盡以本字讀乎

假狄合處

狄卽逃之省韻會或作邊亦省作狄詩狄彼東南舍爾介狄按毛傳狄遠也注作遠夷解非

關流離

詩正義陸璣疏云流離梟也自關西謂梟爲流離其子適長大還食其母以比匈奴貴壯賤老讀如關邪說之  
關師古謬

殊翁雜

集韻翁說文頭毛也按頭上毛易雜色荀子樂論埴簞翁博翁亦有雜義墨子節葬翁縗經亦謂縗之垂如烏

頭毛

其餘巡狩福應之事

巡狩之事武帝也福應之事宣帝也續志注漢祀令曰天子有行所之出河沈用白馬珪璧各一衣以繒緹五尺祠用脯二束酒六升鹽一升按武帝巡狩詩歌若瓠子盛唐樅陽秋風辭之類也宣帝福應若中和樂職宣布之詩又云上頗作歌詩欲與協律之事是也

是時鄭聲尤甚

宋志前漢有虞公者善歌能令梁上塵起

古兵法武樂

司馬法

天子得義

得意則愷歌

鄭大司馬職注有愷樂二字

示喜也大司

馬職若師有功則愷樂獻於社大司樂職王師大獻則

令奏愷樂宋志鼓吹蓋短笛鐃歌

按劉昭注引蔡邕志三曰黃門歌吹天子

所以宴樂羣臣四曰短簫鐃歌軍樂也則鼓吹與鐃歌

非一矣通考云鼓吹與鐃歌自是二樂而殊用陳陽謂

漢有鼓吹鐃歌十八曲

其粗率至不足言矣蔡邕曰軍樂也黃帝岐伯所作

以楊德建武勸古諷歌也雍門周說孟嘗君鼓吹於不

測之淵說者云鼓自一物吹自竽籥之屬非簫鼓合奏

別爲一樂之名然則短簫鐃歌此時未名鼓吹矣其曲

有朱鷺思悲翁艾如張上之回雍離戰城南巫山高將

進酒君馬黃上陵

章帝加宗廟食舉重來上陵二曲合八曲爲上陵食舉樂通考云據此所

言自是八曲之一名或作於章帝之前亦不可知蓋因  
上陵而爲之也愚按上陵歌辭云甘露初二年芝生銅  
池中則宣帝時辭軍樂非所以有所思古今樂錄曰漢  
享鬼神食舉曲名偶同非此也  
曲亦有之不雉子斑聖人出芳樹上邪臨高臺遠如期  
知與此同否  
古今樂錄漢大樂食石留務城古曲玄雲古曲黃爵行  
舉有遠期至魏省之  
古曲釣竿漢饒歌二十三無釣竿古今注釣竿伯常子  
亡妻所作也伯常子避仇河濱爲漁父其妻思  
之每至河側作釣竿之歌後司馬唐志太和三年八月  
相如作釣竿之詩今傳爲古曲也  
太常禮院奏謹按歷代獻捷必有愷歌太宗平東都破  
宋金剛其後蘇定方執賀魯李勣平高麗皆備軍容凱  
歌入京師謹檢貞觀顯慶開元禮書並無儀注今參酌  
今古備其陳設及奏歌曲之儀凡命將征討獻俘馘者



其日備神策兵衛於東門外如獻俘常儀其凱歌樂用  
鑊吹二部笛篳篥簫笳鑊鼓每色二人歌工二十四人  
樂工等乘馬執樂器鼓吹令丞前導分行於兵馬俘馘  
之前將入都門鼓吹振作迭奏破陣樂等四曲行至太  
社及廟門工人等下馬陳列於門外候告獻禮畢復導  
引奏曲至皇帝所御樓前兵仗旌門外二十步樂工皆  
下馬徐行前進兵部尙書介冑執鉞於旌門內中路前  
導次協律郎二人公服執麾亦於門外分導鼓吹令丞  
引樂工等至位立定太常卿於樂工之前跪奏請奏凱  
樂協律郎舉麾鼓吹大振作遍奏破陣樂等四曲

破陣樂一

應聖期二賀朝歡三君樂闋協律郎偃麾太常卿又跪  
臣同慶樂皆五言絕句  
奏凱樂畢兵部尙書太常卿退樂工等並出旌門外訖  
以下見俘百官稱賀

騎吹鼓員

宋志建初錄云務成黃爵玄雲遠期皆騎吹曲非鼓吹  
此則列於殿庭者爲鼓吹今之從行鼓吹爲騎吹二曲  
異也  
以此推之則魏漢給將軍鼓吹皆騎吹非黃門鼓吹

江南鼓員

宋志相和曲有江南古辭

淮南鼓員

上林賦淮南干遮

巴俞鼓員

上林賦巴俞宋蔡晉志漢高祖自蜀漢將定三秦聞中  
范因率賁人以從帝爲前鋒高祖樂其猛銳數觀其舞  
後使樂人習之闔中有渝水因其所居故名曰巴渝舞  
舞曲有矛渝本歌曲弩渝本歌曲安臺本歌曲行辭本  
歌曲繼四篇其辭旣古莫能曉其句度魏軍謀祭酒王  
粲改創其詞粲問巴渝帥李管种玉歌曲意試使歌聽  
之以考較歌曲而爲之改行辭爲矛渝新福歌曲弩渝  
新福歌曲安臺新福歌曲行辭新福歌曲

宋志晉爲宣  
武舞歌四篇

予俞第一劔俞第二弩  
俞第三安臺行辭第四  
唐志隋平陳所得清樂六十三曲其巴渝曲魏晉改名梁復號巴渝

### 梁皇鼓員

皇當作王唐志梁孝王築睢陽城擊鼓爲下杵之節睢陽操用春牘

### 剛別拊員

隋志柁鼓一曲十二變夜警用一曲俱盡次奏大鼓陳陽樂書隋大駕鼓吹有柁鼓長三尺朱髹其上工人青地莒文大業中煬帝晏饗用之唐開元禮義羅曰新書藝文志開元禮京兆義羅十卷宋藝文無此柁鼓小鼓曰按圖鼓上有蓋常先

作之以引大鼓亦猶雅樂之奏輦與金鉦相應皆有曲

焉律書樂圖云撾鼓一面十採一曰驚雷震二曰猛虎

駭三曰鷙鳥擊四曰龍媒蹀五曰靈夔吼按大荒東經東海中流波

山有獸狀如牛蒼身而無角一足其聲如雷其名曰夔黃帝得之以其皮爲鼓橧以雷獸之骨聲聞五百里

六曰鵬鶚爭七曰壯士奮怒八曰熊羆哮吼九曰石盪

厘十曰波盪壑並各有辭其辭無傳按舊唐志景龍二

年侍御史唐紹諫曰昔黃帝涿鹿有功以爲警衛故撾

鼓曲有靈夔吼鵬鶚爭石墜厘壯士怒之類然則其傳

久矣剛與撾同別拊卽搏拊書大傳以韋爲鼓謂之搏拊亦鼓類通

考梓鼓唐燕樂有之其制如大鼓下有趺今太常鏡吹

前部用之或柎是鼓杖與桴同

禮運釋文  
桴鼓槌也

聽工以律知日冬夏至

漢有候氣法周語瞽告有協風至此其類也通典陳山陽太守毛爽習京房候氣術陳亡祖孝孫學之於爽周歲之日日異其律冬至之日以黃鍾爲宮林鍾爲徵太簇爲商南呂爲羽姑洗爲角應鍾爲變宮蕤賓爲變徵隨月異宮匝歲而復

繩弦工員

通考姜夔定瑟之制弦八十一絲而宋之是謂宋弦宋史樂志徽宗命劉昺編修樂書云絲部有五曰一弦琴

三弦琴五弦琴七弦琴九弦琴師延拊一弦之琴昔人作三弦琴伏羲作琴有五弦神農氏爲琴七弦琴書以九弦象九星按其絲數未有詳述者當考

柱工員

通考姜夔制瑟設二十五弦弦一柱崇二寸七分以五色五行相次蒼爲上朱次之黃次之素與黝又次之使肄習者便於擇弦通典傳玄箏賦序曰弦柱擬十二月又琵琶賦云體圓柄直柱有十二阮咸十有三柱

商樂鼓員

大戴投壺篇凡雅二十六篇其八篇可歌歌鹿鳴經首

鵲巢采蘋采蘋伐檀白駒騶虞八篇廢不可歌商齊可  
歌也樂記肆直而慈愛者宜歌商注云商宋詩也豈此  
商樂歟下云不應經法則非也晉職官志光祿勳統清  
商令魏少帝紀注每見九親婦女有美色或留以付清  
商隋百官志太樂署清商署各有樂師員然清商署蓋  
倡優之樂也

### 縵樂鼓員

磬師職教縵樂注雜聲之和樂者也隋志牛弘奏雅樂  
每宮但一調縵樂用七調

### 常從象人



蓋周穆王偃師之戲也通典窟礪子亦云魁礪子

卽傀儡之

戲

作偶人以戲善歌舞本喪家樂也

鹽鐵論相馬偶人

漢末始

用之於嘉會觀此則不始於漢末也御覽引梁元帝集

耍魚龍蔓延復有象人則非戲蝦魚師子者矣韋昭云

假面漢世惟大儺有之他無攷

新書匈奴云倒挈面者更進或此也

唐志

安樂者後周武帝平齊所作行列方正象城郭周世謂

之城舞舞者八十人刻木爲面狗喙獸耳以金飾之垂

綫爲髮畫襖皮帽舞蹈姿制猶作羌胡狀

雅大人員

未詳其制或是百戲之夏育扛鼎神鼉負山等

# 鈔四會員

師古舍李從韋無是非之心者也漢無鈔國云鼗得之

吳仁傑據詩其鐃斯趙以爲鈔鐃連類鈔趙通用謂趙國也亦非按多稱四會者通典

樂七漢故事上壽四會曲注言但有鍾磬而無歌詩魏初作四會有琴筑但無詩雅樂耶郭瓊云明帝青龍二年以長笛食舉第十二古置酒曲代四會又易古詩名羽觴行爲上壽曲施用最在前鹿鳴以下十二曲名食舉樂而四會之曲遂廢

## 齊謳員

陸士衡集有齊謳行

漢書通志卷一百一  
三  
竿瑟鍾磬員

李善注曹子建美女白馬名都三篇引歌錄曰並齊瑟行也

給大官捫馬酒

齊民要術作酪法牛產三日以繩絞牛項頸令偏身脈脹倒地卽縛以手痛按乳核令破以腳二七徧蹴乳房然後解放羊產三日直以手按痛令破不破腳蹴若不如此破核者乳脈細微攝身則閉核破脈開捫乳易得按此法則在取乳之前捫馬亦猶是也若作酪只以匙痛攪不用撞擊也又作馬酪酵法用驢乳計二三升和馬

乳不限多少澄酪成取下澱團曝乾後歲作酪用此爲  
醉也元史郊祀志南郊馬湏三器各設於尊所之首太  
尉三祭酒於茅苴太官丞傾馬湏於爵跪授太尉亦三  
祭於茅苴又云凡大祭祀尤貴馬湏將有事敕太僕司  
捫馬官奉尙飲者革囊盛送太祖本紀各持馬乳擲疾闕此捫馬之具也按  
周禮亦飲無酪漢則以薦郊廟與拓跋蒙古同蓋秦俗  
也今則有茶名無酒名矣

三百八十八人不可罷

隋志周大司樂一千三百三十九人漢郊廟及武樂三百八十人

漢書疏證卷十四

浙江書局刊

楊振鐸校

馮一梅校

丁立誠校